



ZAPISNIK O RADU 39. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 21.03.2023. GODINE

Broj: 01-GV-02-474/23
Sarajevo, 21.03.2023. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Dragan Stevanović, zamjenik predsjedavajućeg Gradskog vijeća
4. Toni Vukadin, predsjedavajući Kluba gradskih vijećnika Naroda i Pravde
5. Vedad Deljković, predsjedavajući Kluba gradskih vijećnika Stranke demokratske akcije
6. Adi Škaljić, predsjedavajući Kluba gradskih vijećnika Naše stranke
7. Muamer Mekić, predsjedavajući Kluba gradskih vijećnika Socijaldemokratske partije BiH
8. Enisa Spahić, zamjenica predsjedavajuće Kluba gradskih vijećnica „Enisa Spahić-Amra Zulfikarpašić“
9. Seid Škaljić, predsjedavajući Kluba gradskih vijećnika „Narodni evropski savez (NES) - Željko Majstorović“
10. Bajro Biber, predsjedavajući Kluba gradskih vijećnika „USD-BOSS“
11. Elvedin Korora, predsjedavajući Kluba gradskih vijećnika „Korora/Skorupan“
12. Srđan Srđić, zamjenik predsjedavajućeg Kluba gradskih vijećnika „SMS-Savez za Stari Grad-Srđan Srđić“
13. Mila Eminović, sekretar Gradskog vijeća

Sjednici je prisustvovala Benjamina Karić, gradonačelnica Grada Sarajeva.

Sjednici je prisustvovala, po ovlaštenju Gradonačelnice, Aida Bajramović, rukovodilac Stručne službe za poslove kabineta i poslove Gradske uprave.

Sjednici su prisustvovali Mirjana Đanović Stanić, rukovodilac Stručne službe za poslove Gradskog vijeća Grada Sarajeva, Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva i Amir Vrca, šef Odjeljenja za kabinetske poslove u Stručnoj službi za poslove Gradskog vijeća Grada Sarajeva.

Jasmin Ademović, predsjedavajući Gradskog vijeća je otvorio sjednicu u **14.15** sati, pozdravio prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **većinom glasova**, izjasnivši se sa 12 glasova „za“ i jednim „suzdržanim“ glasom **je usvojio** Zapisnik o radu 38. sjednice Kolegija Gradskog vijeća, održane dana 07.03.2023. godine.

Jasmina Ademovića, predsjedavajućeg Gradskog vijeća je predložio da se dnevni red sjednici usvoji na način da se druga tačka predloženog dnevnog reda razmatra kao prva, a radi najavljenog kašnjenja Gradonačelnice.



Na prijedlog **Jasmina Ademovića, predsjedavajućeg Gradskog vijeća** Kolegij Gradskog vijeća, bez rasprave, **jednoglasno je usvojio** dnevni red 39. sjednice Kolegija Gradskog vijeća, tako da glasi:

1. Priprema za održavanje Svečane sjednice u povodu 6. aprila - Dana Grada Sarajeva
2. Priprema za obilježavanje 6. aprila - Dana Grada Sarajeva
3. Tekuća pitanja (*inicijativa Komisije za međunarodnu suradnju*)

Benjamina Karić, gradonačelnica Grada Sarajeva je pristupila sjednici Kolegija u 14.20 sati.

Ad 1)

Priprema za održavanje Svečane sjednice u povodu 6. aprila - Dana Grada Sarajeva

U uvodnim napomenama, **Jasmin Ademović, predsjedavajući Gradskog vijeća** je istakao da je potrebno da Kolegij Gradskog vijeća utvrdi termin održavanja Svečane sjednice, te predložio da se Svečana sjednica u povodu 6. aprila - Dana Grada Sarajeva održi u četvrtak 06.04.2023. godine u 20.30 sati u Vijećnici, da se prije Svečane sjednice planira večera u 19.30 sati za goste Grada Sarajeva i dobitnike, a da se po završetku Svečane sjednice upriliči koktel za sve goste.

Benjamina Karić, gradonačelnica Grada Sarajeva je upoznala članove Kolegija Gradskog vijeća sa planiranim aktivnostima održavanja Svečane sjednice u povodu 6. aprila - Dana Grada Sarajeva.

Gradonačelnica je pozvala predsjedavajuće klubova gradskih vijećnika da svaki klub gradskih vijećnika, do naredne sjednice Kolegija Gradskog vijeća, dostavi jedan prijedlog fizičkog ili pravnog lica sa biografijom i obrazloženjem za dodjelu priznanja - Zahvalnica Grada Sarajeva.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno, je usvojio** sljedeći **zaključak**:

1. Svečana sjednica Gradskog vijeća Grada Sarajeva u povodu 6. aprila - Dana Grada Sarajeva održat će se u četvrtak 06.04.2023. godine sa početkom u 20.30 sati u Vijećnici.
2. Gradonačelnica će organizovati večeru za goste Grada Sarajeva i dobitnike u 19.30 sati u svečanom salonu, a koktel za sve zvanice nakon završetka Svečane sjednice.

Ad 2)

Priprema za obilježavanje 6. aprila - Dana Grada Sarajeva

Jasmin Ademović, predsjedavajući Gradskog vijeća je pozvao **Benjaminu Karić, gradonačelnicu Grada Sarajeva** da upozna članove Kolegija Gradskog vijeća sa aktivnostima vezanim za realizaciju Program obilježavanja 6. aprila - Dana Grada Sarajeva u 2023. godini i protokolom polaganja cvijeća.

Gradonačelnica Grada Sarajeva Benjamina Karić je upoznala članove Kolegija sa aktivnostima koje su planirane u skladu sa Programom obilježavanja 6. aprila - Dana Grada Sarajeva u 2023. godini i protokolarnim aktivnostima vezanim za polaganje cvijeća te istakla da se manifestacije održavaju u periodu od 05.04. do 26.04.2023. godine.

Obavijestila je članove Kolegija da će predsjedavajućim klubova gradskih vijećnika dostaviti termine održavanja svih manifestacija kako bi se opredijelili o prisustvu na istim tako da na svakoj manifestaciji bude prisutna delegacija Grada Sarajeva.

U raspravi koja je uslijedila učestvovao je **Dragan Stevanović, zamjenik predsjedavajućeg Gradskog vijeća**.

Ad 3)

Tekuća pitanja

- Inicijativa Komisije za međunarodnu suradnju

U uvodnim napomenama, **Jasmin Ademović, predsjedavajući Gradskog vijeća** je upoznao članove Kolegija da je Komisija za međunarodnu suradnju uputila inicijativu Gradskom vijeću da predloži gradskim vijećnicima da se odreknu dijela paušala s ciljem prikupljanja pomoći unesrećenim u gradovima Turske, Sirije i Libanona.

Jasmina Ademovića, predsjedavajućeg Gradskog vijeća je predložio da se inicijativa Komisije za međunarodnu suradnju ne upućuje Gradskom vijeću, ali da Kolegiji Gradskog vijeća usvoji zaključak kojim poziva gradske vijećnike da, putem predsjedavajućih klubova gradskih vijećnika, nastave podržavati humanitarne akcije pomoći Turskoj i Siriji.

U raspravi koja je uslijedila učestvovala je **Benjamina Karić, gradonačelnica Grada Sarajeva i Mirela Džehverović, zamjenica Predsjedavajućeg Gradskog vijeća**.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno, je usvojio** sljedeći **zaključak**:

Kolegiji Gradskog vijeća, putem predsjedavajućih klubova gradskih vijećnika, poziva gradske vijećnike da nastave podržavati humanitarne akcije pomoći Turskoj i Siriji.

Inicijativa Komisije za međunarodnu suradnju se neće uputiti na sjednicu Gradskog vijeća.

Jasmin Ademović, predsjedavajućeg Gradskog vijeća je upoznao članove Kolegija da je Gradonačelnica uputila Komisiji za spomenike Gradskog vijeća, kao ovlaštenom predlagачu, Nacrt Odluke o izmjeni Odluke o podizanju spomenika bosanskom kralju Tvrtku I Kotromaniću.

Benjamina Karić, gradonačelnica Grada Sarajeva je obrazložila predloženi Nacrt Odluke.

Jasmin Ademović, predsjedavajućeg Gradskog vijeća je predložio da Kolegij Gradskog vijeća utvrdi skraćeni rok za zakazivanje sjednice Komisije za spomenike, na kojoj će Komisija, kao ovlaštenu predlagач, razmatrati Nacrt Odluke o izmjeni Odluke o podizanju spomenika bosanskom kralju Tvrtku I Kotromaniću.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno, je usvojio** sljedeći **zaključak**:

Kolegij Gradskog vijeća utvrđuje skraćeni rok za zakazivanje sjednice Komisije za spomenike, na kojoj će Komisija, kao ovlaštenu predlagач, razmatrati Nacrt Odluke o izmjeni Odluke o podizanju spomenika bosanskom kralju Tvrtku I Kotromaniću.

Član Kolegija Toni Vukadin, predsjedavajući Komisije za Statut i akte je problematizirao pitanje sastava radne grupe za izradu teksta Nacrta Poslovnika Gradskog vijeća Grada Sarajeva te je predložio da radnu grupu za izradu teksta Nacrta Poslovnika Gradskog vijeća Grada Sarajeva čini Komisija za Statut i akte, jedan predstavnik iz svakog kluba gradskih vijećnika, Mila Eminović, sekretar Gradskog vijeća, Mirjana Đanović Stanić, rukovodilac Stručne službe za poslove Gradskog vijeća i Amir Vrca, šef Odjeljenja za kabinetske poslove.

Jasmin Ademović, predsjedavajući Gradskog vijeća je konstatovao da će Komisija za Statut i akte utvrditi Prijedlog Odluke o formiranju radne grupe za izradu teksta Nacrta Poslovnika Gradskog vijeća Grada Sarajeva u skladu sa prijedlogom Toni Vukadina, predsjedavajućeg Komisije za Statut i akte iznesenim na današnjoj sjednici Kolegija.

U raspravi koja je uslijedila **Benjamina Karić, gradonačelnica Grada Sarajeva** je članove Kolegija upoznala sa aktivnostima koje su u toku.

Obzirom da pod ovom tačkom dnevnog reda nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u **15.00** sati.

SEKRETAR GRADSKOG VIJEĆA

Mila Eminović, s.r.

PREDSJEDAVALJUĆI GRADSKOG VIJEĆA

Jasmin Ademović, s.r.